

東華錄

康熙四十六

臣王先謙敬編

臣周潤蕃恭校

秋七月庚寅朔調張英爲禮部尙書

由工部調

○辛卯噶爾丹深入烏

朱穆秦地

上命裕親王福全爲撫遠大將軍

古北口恭親王常甯爲安北大將軍簡親王雅布信郡王鄂孔圖

之出喜峰口內大臣舅舅以國綱佟國維內大臣常額圖明珠阿

密達統都蘇努喇克達彭春阿席坦諾邁護軍統領苗齊納惕岱

副鋒統領班達爾沙邁圖俱參贊軍務諸軍前發惟佟國維索額

圖明珠留京俟大將軍至陰山馳往會之○壬辰以李鐔爲福建

布政使

由廣西按察使遷

李煒爲湖南布政使

由廣東按察使遷

馬如龍爲浙江

布政使

由按察使遷

張勛爲福建按察使

刑部遺卷

乙未撫遠大將

東華錄

康熙四十六

一

軍裕親王福全師行 上御太和門賜敕印出東直門送之○丙

申命阿密達阿喇尼阿南達等各率所部會裕親王福全軍○戊

戌以唐宗堯爲廣西按察使由左江道還劉元勳爲廣東按察使由山西知

東道還孫允恭爲浙江按察使由金衢道還○諭內大臣舅舅佟國維等

朕夜來思及一事方欲傳諭適諾木齊岱來奏蘇爾達之語與朕

意相符朕觀噴爾丹退回二宿之地似欲潛逃如俟京城大兵至

始追之恐不及聞盛京烏喇兵俱已起行十日內即到矣其令阿

密達全軍及公蘇努軍中視有壯馬者選出即出正六日一員

統領而往沿途擇水草善地剋期到彼如噴爾丹欲逃即行追剿

無失機會若彼來迎敵則我軍切勿亟行以待大兵姑遣人諭之

曰汝闖入我汛界尙書阿喇尼等不得不迎戰汝尙與天朝修貢

通好此來追略爾喀耳今喀爾喀切棄我外藩肆行悖亂亦與我

朝相失聖上特遣和碩裕親王及皇子來與汝申明禮法自茲以往永定盟好汝不聞前者我朝出兵至鄂羅斯以禮和好不戰而歸乎汝其謹俟王及皇子之至如此往復遣使以羈縻之大兵可至阿喇尼等所有扎薩克兵及阿南達兵其馬既不堪用著阿南達親押火器速往與盛京烏喇科爾沁兵會阿南達所留之兵著一人管轄駐於見居之地不時探報蘇努所餘之兵尾此軍後聯絡坐臺哨探其令議政王大臣集議尋議上諭已極周詳其統領此軍之大臣及管轄阿南達所留兵之人員恭候待簡上曰著索額圖統領偕阿密達先往令阿密達及蘇爾達參酌而行索額圖阿密達前去則攜前鋒參領石圖與俱並精選前鋒兵帶往至則視其情形如彼能待則俟大軍而行不能待則遣人羈縻之必不得已則明諭之曰聖上遣皇兄及皇子與汝相見非惡意也

汝乃不俟而去非汝之不軌乎雖聖上戒勿戰我不汝貸也往復數四度盛京烏喇諸扎薩克兵且至力足以勝即便宜行事如彼奔逃已遠不便往追則速奏以便徵兵蘇努及阿密達之軍俱令蘇努率之而往除阿南達等押隊及馬壯者前去外其馬不堪者酌留令副都統扎木素噶爾瑪領之駐阿喇尼等原駐之地探噶爾丹聲息及額赫納軍情不時報聞並防禦就近地方作惡肆行之人其在努喀朱爾素亦酌量帶往調用索額圖取皇子允禔廐馬百匹乘以前去○己亥以陳廷敬爲工部尚書于成龍爲左都御史

由直隸巡撫

○壬寅噶爾丹遣達爾漢格隆奏喀爾喀吾譬也因追彼闌入汎界向在中華皇帝道法之中不敢妄行上因賜來使筵宴賞賚令齎敕歸諭之敕曰噶爾使人達爾漢格隆陳奏具見敬慎惇誠朕統御天下重信義而賤欺誑前以七旗喀爾喀

彼此構怨與達賴喇嘛共議遣大臣諭和不意左翼與兵妄動朕弗之直也後喀爾喀爲爾所敗匍匐來歸朕念普濟衆生之意賜以米糧牲畜所全活者無算喀爾喀何利於朕而施恩若是皆朕不忍生民之顛沛故耳是年出盟方分別七旗曲直昭雪扎薩克圖汗之事欲仍前設立右翼議未及定爾兵以至乘虛竊入隄守汎界者衣服出言不遜朕亦不深責六月二十五日遣員外郎阿爾必特祐等問故而阿喇尼等在邊以爾公然闖入汎界守邊責重不能容忍遽與爾戰朕甚非之六月二十九日復遣郎中滿丕齋敕諭爾豈有正事尙未議定即可言執土謝圖汗澤卜尊丹巴以畀汝乎此皆使臣設計脫身而爲此言也汝謂與達賴喇嘛道法爲一則常憐念衆生同心以安喀爾喀令七旗同享安寧以仰副朕意乃反肆殺戮拆人妻子離人骨肉闖入汎界掠及四佐領

之人揆之道法可若是行乎恐達賴喇嘛未必便汝爲此也西甯報至聞策妄阿喇布坦以汝罪告之達賴喇嘛將興兵伐汝夫興戎非美事也朕且將與達賴喇嘛共議調和而聞汝已駐兵烏爾會河故朕遣和碩裕親王及皇子大臣臣發滿兵而往非討汝也欲定議耳前者遣大臣往鄂羅斯議事亦發兵往議畢而回汝所夙知也爲汝計其聽達賴喇嘛言罷兵息戰各享安樂旣合衆心亦易畢事如仍以前事爲辭妄行劫掠則險敗名教自汝始矣○癸卯 上巡幸邊外啟鑾○諭都統瓦岱等據關保奏噶爾丹於六月二十七日遣發其使人及我撥什庫次日潛師遁去般弟蘇爾達等遣人覘視之噶爾丹兵果已逃去朕之欲幸此重者以躬近行開便指示也今噶爾丹雖退而喀爾喀方且橫行劫掠驛遞及諸扎薩克馬畜衣服乘此大兵集會朕乃親往視師以靖喀爾

喀之橫肆伸知所畏忌事可一舉而定也○以郭世隆爲直隸巡

撫

由內閣
學士遷

○甲辰學士西拉奏員外郎阿爾必特祐宜賴奉使噶

爾丹不終使事半路私歸請誅之上可其奏隨又諭大學士伊

桑阿等曰阿爾必特祐宜賴罪本應誅今暫免其死前遣去筆帖

式巴查爾竟未見噶爾丹而歸今俱帶之前去出口後或有差遣

之處亦未可定若能效力則貸其罪否則誅之○丙午 上駐蹕

古魯富爾堅嘉澤噶山○諭大學士伊桑阿尙書顧八代朕沿途

閱視見所踐田禾過於朕初時諭旨部中丈量者惟恩格木噶山

以南過此並未丈量何地并朕赤子可令侍郎賽弼漢即自口以

北至波瀾噶山凡所踐田禾作速明悉丈量○丁未命康親王傑

書等率兵往會裕親王福全軍○戊申扈從大臣侍衛等合詞奏

曰此地風高寒暑無定伏請 皇上回鑾移駐內地以養 聖躬

上諭朕躬雖覺違和留駐數日俟稍愈卽往軍前相機調遣○
命恭親王常甯帥師會裕親王福全軍○己酉 上駐蹕博洛和
屯命簡親王雅布赴裕親王福全軍參贊軍務○庚戌內大臣伯
費揚古前鋒統領班達爾沙奉命赴科爾沁至布爾哈蘇圖地方
與科爾沁軍會費揚古等奏聞 上諭費揚古等不必與科爾沁
兵齊來令速赴裕親王軍並檄蘇爾達等知之○辛亥 上夜間
身熱心煩至黎明始得成寐諸大臣侍衛等不勝惶懼是夜俱集
行宮前○壬子清晨諸大臣侍衛等合詞跪奏此日中甚熱夜
間甚涼寒燠不常兼以大風時至地方潮溼 聖體益覺違和此
間難於調攝懇 皇上卽日回鑾以養 聖躬 上猶未允諸大
臣侍衛等於行宮前長跪不起再三懇請 上曰此地寒燠不常
似難調攝爾等諄諄叩請朕暫且回鑾日間甚熱每日日落後徐

行二三十里可耳又諭扈從諸臣侍衛等朕來此地本欲剋期勦滅噶爾丹以清沙漠今以朕躬抱疾實難支撐不獲親滅此賊甚爲可恨至於歎息流涕隨命選擇肥壯馬匹分給隨駕火器營兵前鋒驍軍令其馳赴大軍前是日回鑾駐蹕舍里烏朱○癸丑先是上以違和命皇太子允禔皇三子允祉馳驛前迎是日允禔允祉至行宮請安見聖體未甯天顏清減略無憂戚之意見於詞色上以允禔絕無忠愛君父之念心甚不懌令卽先回京師○甲寅諭著理藩院事左都御史馬齊學士西拉朕問二等侍衛吳達理云喀爾喀土謝圖汗澤卜尊丹巴胡土克圖屬下貧不聊生者甚多可遣爾衙門司官一員至土謝圖汗處將至窮乏者帶至張家口外相宜處同口北道勸支張家口所貯之米日給飲食其食米人及所需米數俟進京時奏聞○先是上諭裕

親王等今兵漸與敵近斥候宜嚴明哨爾丹處應作何羈縻以待
盛京烏喇科爾沁之兵王等其遺之牛羊以老其銳氣疑其士卒
商南多爾濟諸喇嘛情形可與商也至是裕親王福全奏臣隨遣濟
隆胡土克圖及陽爾丹之使僧驍騎校克實圖原任員外郎宜賴
業以羊百頭牛二十頭持臣及皇子書語之曰我與汝締護黃教
和好有年今汝追陪爾喀入我疆界 聖上特命我等論決此事
永久和好今汝使人言我汗已敬遵達賴喇嘛之諭夫講信修禮
所關重大此役既就則一切皆宜矣今將於何地會議以決大事
因貽書之便以牛羊爲餽贈臣等不知諸軍至何地可待則待之
如不可待則量力而進耳○予故盛京刑部侍郎吳什巴祭葬

八月己未朔日有食之○庚申先是 上遣阿爾必特祜等赴索
額圖軍前使於噶爾丹至是索額圖奏阿爾必特祜等歸偕濟隆

胡土克圖使人拉木扎木巴噶爾丹使人尊多伊格薩爾至營問其情由爾爾必特祐等述噶爾丹之言曰所有情事已同滿不等遣使上奏不復具奏但以書問王與皇子內大臣安請遵商南多爾濟所傳 明旨以土謝圖汗澤卜尊丹巴昂我述濟隆之言曰違賴喇嘛所以遣我者爲 聖上與噶爾丹向來和好急欲定此大事以早復命耳此事非王及皇子內大臣親身就我或我親身來面議不能定也又視來人形狀甚覺倉皇有窺探大軍意厄魯特見至烏蘭渡地方覓山林深塹倚險結營又聞其祭旗誦經距我軍僅四十里報聞○辛酉撫遠大將軍裕祿王福全等奏七月二十九日臣等聞厄魯特屯於烏蘭布通卽整列隊伍八月初一日黎明前進日中見敵設鹿角槍礮列兵徐進未時臨敵發槍礮擊之至山下見厄魯特於林內隔河高岸相拒橫臥橐駝以爲障

蔽自未時交戰至掌鑾時左翼由山腰捲入大敗之斬殺甚多有翼進擊爲河崖淖泥所阻回至原處而立本欲盡滅餘賊但昏夜地險收兵徐退其噶爾丹死於亂兵與否俟查明另奏疏入得旨嘉獎○千戌撫遠大將軍裕親王福全等奏八月初一日擊敗噶爾丹薄暮收軍次日卽前進勦殺餘寇見噶爾丹據險堅拒故使我將士暫息而噶爾丹遽遣伊拉古克三胡土克圖來復理前說請以土謝圖汗澤卜尊丹巴峩之且云一二日內濟隆胡土克圖卽來講禮修好臣等悉遵 聖諭數噶爾丹前後逆惡而遣之初四日濟隆果率其弟子七十餘人來言博碩克圖汗信伊拉古克三及商南多爾濟之言深入汎界部下無知搶掠人畜皆大非理聖上乃一統宇宙之主博碩克圖汗不過小部頭目何敢妄行但因索其仇土謝圖汗及濟卜尊丹巴峩有此誤彼今亦無索土

聯圖汗之意但祈 聖上慨允以澤卜尊丹巴達達其師達賴喇
嘛靈光莫大矣臣等謂之曰土謝圖汗澤卜尊丹巴即有罪叛
聖上自加罪責豈有因噶爾丹之言遂遣送達賴喇嘛之理且故
往來行說能保噶爾丹不乘閒奔逃掠我境內民人乎濟隆曾王
肅諸大臣仰體 聖上仁心休征罷職被擄敍行劫亦斷不遠去
臣等謂之曰汝雖保噶爾丹不敢妄行但我各路兵分行進剿遇
厄魯特卽行掩擊必然之勢也今我等仰體 皇上好生許汝所
請當發印文檄各路領軍諸王大臣卽止勿擊隨給濟隆等蟒袍
先遣其弟子馳報噶爾丹臣等思噶爾丹乃狡詐之人雖不可全
信但戰之次日屢遣人來必多脅迫臣等欲卽進剿則厄魯特據
險堅拒俟其往來講解以待盛京烏喇和爾沁諸軍之至齊行夾
擊如有可除之機斷不誤也 上命議政大臣集議尋議大將軍

王等既大敗厄魯特乃不卽行勦滅明知濟隆行說以誤我軍而
故聽之豈不坐失事機請敕大將軍王等作速追勦得旨出征諸
王大臣當同心效力大將軍王與皇子矢誤機宜衆大臣不正言
抗拒軍律甚明歸時斷不姑宥此役所關甚鉅今科爾沁烏喇盛
京之兵初四五間可至達爾腦爾矣若又失機會不進偏之王與
大臣此行何所事耶○乙丑上還京師○丙寅命統領希福赴
撫遠大將軍裕親王軍前參贊軍務○辛未諭大學士等允親聽
信小人讒間之言與裕親王不相和協妄生事端私行陳奏留駐
軍前必致廢事著撤回京○癸酉先是撫遠大將軍裕親王福全
奏噶爾丹迫於追襲自什拉穆楞河載水橫度大磧山連夜遁走
於剛爾腦爾臣等欲追而馬力不能前進又恐噶爾丹去遠因與
濟隆胡土克圖約使噶爾丹近戍而止以禮定好遣侍衛吳丹護

軍參領塞爾濟等偕濟隆往諭之至是裕親王等又奏吳丹塞爾濟與濟隆帶噶爾丹使人達爾渥格隆西達額爾克寨桑持書至告曰噶爾丹跪於威靈佛前稽首誓曰若違此書惟佛鑒之其書詞云達賴喇嘛明鑒遣濟隆額爾德尼來責以禮法今儻蒙皇上惠好則自此不敢犯喀爾喀謹以印文爲驗臣等閱書未載誓詞仍遣濟隆等歸開諭噶爾丹增書誓詞許其歸好奏入上命議政王大臣集議尋議噶爾丹乃極狡詐之人屢遣人以立誓爲詞今又劫掠克西克騰之三佐領矣誓好不可深信蘇爾達等軍已到應立行勦滅但王等親在軍中事皆目擊應准所奏命噶爾丹堅誓而釋之王等仍率大軍駐彼探噶爾丹出邊遠去實音令蘇爾達軍照常防守從之○丙子撫遠大將軍裕親王福全等奏十一日遣伊拉古克三赴噶爾丹十五日齎噶爾丹奏章還其詞

曰供蒙照鑒下情普便安全正在懽忭伊拉克古三來諭以禮法
事永圖至信理所宜然未知如何可以贊襄王事伏冀 至仁皇
帝鑒察謹上書爲永遠不絕之信誓云又伊拉克古三云噶爾丹
頂佛像設誓曰我自恃理直追索土謝圖汗澤卜尊丹巴而傑入
汎界置佛天於前面不以己之罪爲非可乎佛天以仁慈爲心

聖上卽佛天也乞鑒有我罪凡有 諭旨謹遵行之今往界上租

水草善地無人之處駐紮候旨尋又據濟隆特爾爾丹誓書來且
述噶爾丹之言曰我蒙王及皇子大臣見憐我正懽忭伊拉克古
三來諭以永遠歸好之意我思倚 皇上以爲生今往界外駐候

聖旨臣等思噶爾丹軍敗力窮觀其語不敢抗拒 皇上天威

籲請寬宥有倚我求生之意雖不可深信既恭順奏請伏祈睿裁
奏至命議政王大臣集議尋議噶爾丹不敢抗拒 天威設誓請

罪既獻誓書適符 皇上好生之心請准所誓今出邊候旨再檄
裕親王內大臣蘇爾達等仍俟噶爾丹出邊另行請旨撤兵 上
許之隨遣侍郎額爾賀圖等同伊拉古克三齋敕往諭噶爾丹敕
曰朕統御宇內率土人民皆欲使得其所雖窮壤異域之民亦必
撫育各事安樂此本願也前者喀爾喀爲爾所敗來歸於朕朕以
天下之人皆在朕覆育之中扶衰濟困乃元后當行之事故受而
育之並非利七旗喀爾喀之土地况朕興滅繼絕之意非第喀爾
喀爲然諸窮困來歸者一體撫而養之是亦諭爾敕中所有也爾
厄魯特喀爾喀兩相構怨何所底止必至塗炭朕與達賴喇嘛仁
愛爲心特欲使爾兩國和好罷戰共享安樂達賴喇嘛遣濟隆胡
土克圖朕遣伊拉古克三胡土克圖商南多爾濟往赴爾所爾乃
違達賴喇嘛之教及朕之旨以追喀爾喀爲名率兵入我邊汎行